



# ՍՈՒՐԲ ՋԱԿՈԲ

## ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ

Յիսակի Վեթերորդ Կրտսեր  
02 ՅՈՒՆՈՒԱՐ 2022

ԸՆԹԵՐՑՈՒՄ  
ԵՍԱՅԻ ՄԱՐԳԱՐԵՒ ԳԻՐՔԵՆ  
51.15-52.3

**Ա**յսպէս կ'ըսէ Տէրը.- «Ես, ես եմ քու Տէր Աստուածդ որ ծովը կը խռովեմ եւ ալիքները կը յուղեմ. ԱՄԵՆԱԿԱԼ Տէր է անունս: Իմ պատգամներս պիտի պատմես դուն. քեզ պիտի պահպանեմ ձեռքիս տակ, որով երկինքը հաստատեցի եւ երկրին հիմերը դրի, եւ Սիոնին պիտի ըսեմ.- Իմ ժողովուրդս ես դուն»: Արթնցի՛ր, արթնցիր եւ ոտքի՛ կանգնէ, երուսաղէմ, դուն՝ որ Տիրոջ բարկութեան բաժակը խմեցիր իր ձեռքէն, կործանումի եւ սրտմտութեան բաժակը ցմրուր քամեցիր: Ծնած որդիներէդ ո՛չ մէկը մնաց քեզ մխիթարելու համար. մեծցուցած զաւակներէդ ո՛չ մէկը մնաց օգնութեան ձեռք երկարելու համար քեզի: Զոյգ չարիքներ քեզ հարուածեցին, - ո՞վ պիտի ցաւակցի քեզի - երկիրդ կործանեցաւ եւ աւերուեցաւ, բնակիչներդ սովէն ու սուրէն կոտորուեցան. - ո՞վ քեզ պիտի մխիթարէ-: Զօրութենէ պարպուած քու զաւակներդ փողոցներու անկիւնները ինկած պառկած են թակարդի մէջ

բռնուած յամոյրի պէս, Տիրոջ բարկութենէն գինովցած, Աստուածոյ յանդիմանութենէն շփոթահար: Ուստի լսէ՛, ո՞վ դժբախտ, որ առանց գինիի հարբած ես: Այսպէս կ'ըսէ Տէր Աստուածդ, քու Աստուածդ, ժողովուրդիդ պաշտպանը.- «Ահա ձեռքէդ կ'առնեմ կործանումի բաժակը, իմ սրտմտութեանս բաժակը, որմէ պիտի չխմես այլեւս, եւ զայն կու տամ քեզ կեղեքողներուն եւ նախատողներուն ձեռքը, անոնց՝ որոնք քեզի կ'ըսէին. “Խոնարհէ՛ որ վրայէդ անցնինք”, եւ դուն մէջքդ գետնին կը հաւասարեցնէիր որպէսզի անոնք անցնին վրայէդ»: Արթնցի՛ր, արթնցիր, Սիոն. եւ զօրութիւնդ զգեցիր, Սիոն. փառաւոր հագուստներդ հագուէ երուսաղէմ, սուրբ քաղաք, որովհետեւ պիղծերն ու անթլիփատները այլեւս

պիտի չմտնեն քու «Ինչպէս ձրի դռներէդ: Թօթափէ՛ վաճառուեցաք, փոշիդ, ել նստէ, քակէ՛ այնպէս ալ ձրի պիտի փրկուիք»:

ո՞վ երուսաղէմ, Սիոնի գերի աղջիկ, որովհետեւ այսպէս կ'ըսէ Տէրը.- «Ինչպէս ձրի վաճառուեցաք, այնպէս ալ ձրի պիտի փրկուիք»:

ԸՆԹԵՐՑՈՒՄ  
ՊՈՂՈՍ ԱՌԱՔԵԱԼԻ  
ԵԲՐԱՅԵՑԻՆԵՐՈՒՄ  
ԳՐԱԾ ՆԱՄԱԿԵՆ

13.18-25

Ա ղօթեցէ՛ք մեզի համար,  
որովհետեւ համոզուած ենք թէ  
մեր խիղճը մաքուր է, եւ կ'ուզենք ամէն  
բանի մէջ ուղիղ գործել: Մանաւանդ  
կ'աղաչեմ որ աղօթէք ինծի համար,  
որպէսզի կարենամ աւելի շուտ ձեզի  
վերադառնալ:  
Թող խաղաղութեան  
Աստուածը ձեզի  
կարողութիւն  
տայ՝ ամէն  
տեսակ բա-  
րեգործութեամբ  
իր կամքը  
կատարելու...

Թող խաղաղութեան  
Աստուածը ձեզի  
կարողութիւն  
տայ՝ ամէն  
տեսակ բա-  
րեգործութեամբ  
իր կամքը  
կատա-  
րելու, որովհետեւ

ի՞նքն էր որ մեռելներէն յարուցանեց մեր  
Տէր Յիսուսը, ան՝ որ իր արիւնով կնքուած  
յաւիտենական ուխտով Հովուապետ  
եղաւ ամբողջ հօտին: Աստուած ինչ  
որ կը կամենայ՝ թող ներգործէ մեր  
մէջ Յիսուս Քրիստոսի միջոցաւ,  
որուն փա՛ռք յաւիտեանս: Ամէն:  
Եղբայրնե՛ր, կ'աղաչեմ որ լսէք այս  
կարճ նամակով տուած յորդորներս:  
Կ'ուզեմ որ գիտնաք, թէ մեր եղբայրը՝  
Տիմոթէոս բանտէ արձակուած  
է հիմա: Եթէ շուտով մօտս գայ,  
միասին կու գանք ձեզ տեսնելու:  
Ողջոյններս հաղորդեցէք ձեր  
բոլոր առաջնորդներուն եւ բոլոր

հաւատացեալներուն: Իտալիայի  
եղբայրները կ'ողջունեն ձեզ:  
Աստուծոյ շնորհքը բոլորիդ հետ ըլլայ:  
Ամէն:

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԷՆ  
ԸՍ ՂՈՒԿԱՍԻ

22.24-30

Ա շակերտներուն մէջ վէճ ծագեցաւ  
թէ իրենցմէ ո՛վ պիտի նկատուի  
մեծը: Յիսուս անոնց ըստ.- Ազգերու  
թագաւորները կը տիրեն իրենց  
ժողովուրդներուն վրայ  
եւ իշխողները բարերար  
կը կոչուին իրենց  
հպատակներուն կողմէ:  
Բայց ձեր պարագային  
այդպէս պէտք չէ ըլլայ:  
Հնդհակառակը, ձեր

... ձեր մէջէն  
ամենէն մեծը  
թող ամենէն  
պզտիկին  
պէս ըլլայ, եւ  
առաջնորդը՝  
սպասաւորին  
պէս:

մէջէն ամենէն մեծը թող ամենէն՝  
պզտիկին պէս ըլլայ, եւ առաջնորդը՝  
սպասաւորին պէս: Ո՞վ է մեծը. սեղան  
բազմո՞ղը թէ սպասաւորը: Անշուշտ  
որ սեղան բազմողը: Բայց ես ձեր  
մէջ սպասաւորի պէս եմ: Դուք միշտ  
քովս մնացիք փորձութիւններուս  
ընթացքին, եւ ես ահա կը խոստանամ  
թագաւորութիւն տալ ձեզի, ինչպէս  
Հայրս ինծի տալ խոստացաւ: Իմ  
թագաւորութեանս մէջ իմ սեղանէս  
պիտի ուտէք ու խմէք եւ պիտի  
բազմիք գահերու վրայ՝ դատելու  
համար իսրայէլի տասներկու ցեղերը: